

نومرو : ۱۰۳

اداره خانه

ایستانبول. جفال اوغلی، دائره اجتهاد

تلهفون نومروسی : ۸۶۵

"Idjtihad" Constantinople

بشنجی سنه

اجتهاد

حریت فکریه یه خادم

هر هفته حیقار اجتماعی، ادبی مجموعه

مدیر مرخص : الرامی صفا

۲۴ نیسان ۱۳۳۰

آبونه

سنه لك آلتی آلتی

تورکیا ایچین ۵۴ غروش ۳۰ غروش

ممالك اجنبیه ایچین ۱۵۰ فرانق ۸ فرانق

نسخه سی ۵۰ یارم

زیاده ضعفمز واردرد. حالبوکه بو دنیاده قولای نه واردرد؛ هر شی مشکلدرد. فقط بعض مشکلری عادت ایدیندیکمز ایچون اوندن قاجینا یورز. یاخوداومشکلی اقتحام ایتسهک آج قالاچغز. ایشته بزده برآز سی کوریلور ایسه اسبابی بودر. یوقسه هند فقیرلری کبی صرت اوستی یاتوب بوتون دنیایی اونونماضن محقق ایدی.

حالبوکه «کلفت نعمت مقابلیدر». کلفتی اختیار ایده مهن نعمته نائل اوله ماز. بو بر حقیقت مجرده در. نه انکار ایدیله بیلیر، نه تعلیل اولنه بیلیر.

یوندن بشقه، دنیاده نه قدار بیوک آدم گلش کچمش ایسه، ترجمه حالنه باقیگزر. نه مشکلاتی اقتحام ایدرک او بیوکلی قزائمشلردر، دنیاده نه قدار بیوک ملت وار ایسه او بیوکک اولره نه عظیم همت وغیرت وفدا کارلق نتیجه سی اوله رق کشدر، آکلاشیلیر. افرادی بدنا، مالا، دماغاً فدا کار اولمسان بر ملت، یاخود مملکت ممکن دکل بیوک اوله ماز. بر زمانلر فدا کار وموفق اولان بر ملت، دیگر بر زمان فدا کارلغنی، مشکلاتی اقتحامه اولان قدرنی ضایع ایتمکه کوجولش ویاخو ومنقرض اولش بولندیغه تاریخ بر جوق مثاللر کوستریبور. فدا کارلق، مشکلاتی اقتحام، وبوخصوصده رقابت وخصوصاً داعیه تفوق انکلتیه بوکونکی احتشامی، عظمتی، شوکت وقدرتی تأمین ایتشدرد.

انکلیزلرک بوخصوصده کی فدا کارلغنی لایقيله اکالاتق ایچون بوراده برایی مثال ذکر ایتک زائد عد اولنه ماز. چونکه، بزده اک زیاده تمیه ایدلمه سی لازم کلن خصوص همان همان بودر. باقیگزر، انکلیز ملت غایت درین واوزون تتبع ایتش برورنسز دیورکه «کوچک ایکن فرانسه ده دوام ایتدیکم برلیسه ده برانکلیز جوجنی وار ایدی. بو جوجق برتک انکلیز اولدینی حالده، بتون مکتب طلبه سیله رقابت ایتمکه چالیشیردی. غاب کلسین مغلوب اولسون بوا دعادن ممکن دکل وازگمزدی. بر زمانلر مکتبک خارجی بیوک قایسی تعمیر اولنوردی. بونک ایچون قاینک آلتنه قوم ییغمشلردی. بوقوم تپه سنک اوسته چیقیدیمی زمان قابی کمرینک ایکی دیواری آره سنه

او بولرینه آتان عجول کیمه لر بولردن نه قدار اوزاق قالبور. اونلر بدایه محتم برحیانه آلیشمشلردر. محتم فقط محموز قوناقلرده اقامت ایدرلر وبرطاقم بوش بوغازلرک کندلرینه استاد ایتدکری وسعت وصلاحات مالیه حقیقته مالک دکلردر.»

(لوروا-بولیو) استخراج اوزرینه اک زیاده معلومات ویرن برانکلیز غرتنه سندن استشهاد ایدرک جسیم ثروت ترک ایدرک وفات ایدنلرک اکثریا یاشلی آداملر اولدینغی علاوه ایدیور. بو صورتله ثروتک زمان ایله متناسباً آرتدینغی رقمه اثبات ایتک ایسته یور. یاییلان بر استاتستیکه کوره ایکی بوجوق میلیون فرانسی یعنی یوز بیک انکلیز لیراسنی متجاوز بر ثروت ترک ایدرک وفات ایدن ۱۳۸ کیشی ایچنده (۴۰) ی ۶۷ ایله ۹۰ آراسنده اوله رق سن وسطیلری ۸۳ ایتش. بو ۴۰ صاحب ثروت اختیارک هریری ۸ میلیونی متجاوز میراث (اموال غیر منقوله داخل دکل) بیراقشدر: بولردن یدیی طقسائی متجاوز، دیگر یدیی ۸۵ ایله ۹۰ آراسنده اولدینی کبی بر جوجی ده ۸۰ دن یوقاری ایتش.

سکساندن صوکرده کله جک ثروته قارشى آغیز بورون اگه جکلرک پک جوق بولونه جغنی بیلیم، امانه چاره حقیقت بومرکزده!

علی قاسمی

صناع فیه

بزده، بلکه شرقد بک فنا، پک زیاده شایان تقییس بر حال وار، بر مشکل قارشیسنده بولندق، یاخود بر ایشک اجرا و اتمامی مشکل اولدینغی اکلا دق؟ اونی اهمیتدن اسقاط ایتمکه چالیشیرز. بیک درلو محاکمه لر یورودیرز، اونی اهمیتدن اسقاط ایتک ایچون عقله هر نه اکلیز ایسه سویلرز. حتی، جوق کره کیفیتک اولیه اولمدینغی کسندیمز بیلدیکمز وبونک عکسنه کندمزی اقناع ممکن اولمدینغه قانع بولندیممز حالده بیه، مخاطبمزی اونک اولیه اولدینغه، اوله جغه اقناعه چالیشیرز.

ایسترزکه هر ایش کرک بدنا وکرک دماغاً زحمت خچمکسزین یاییلسین. والحاصل مشکلاته قارشى پک

موضوع پوتره لك اوسته چي قمق ده ممكن اولديغندن، تعطيل زماننده چوققلر اولاقوم تپه سنه، صكره پوتره لك اوسته چيقدقندن صكره اشاغى يه آتلايه رق اوينا يورلردى . بر بازار كوني بعد الزوال ينه بو يولده اوينا ديغمز ائنده انكليز چوقق كلدى و آتلايه جغنى سويلدى . حالبوكه زوالى قق علتته مبتلا ايدى . بناءً عليه كنديسنى بوتلهكلى اويوندن واز كچيرمك ايچون چوق چاليشدق . عاقبتك مهلك اوله جغنى كال اهميت ايله سويلدك . فقط كنديسنى عزمنندن كچيرمك ممكن دكل ايدى . حالبوكه بز آتلاماماسى ايچون اصرار ايتدك ، بوحالز كنديسنى پك صيقدى . ديدى كه : « بوقادار فرانسز چوجونى آتلارده برانكليز ناصيل طورر ؟ بوممكن دكل ! » بونك اوزرينه اوده چيقدى و آتلادى . فقط بردها اياغه قالقماق اوزره اتلادى . بز كنديسنى قالديره رق يتاغه كوتوردك . حالى پك فنا ايدى . بر قاچ ساعت صكره آرتق اوليور ايدى . بعض وصيتلرده بولندقدن صكره : [رشئه تأسف ايتم ، يالكلز يوردمدن اوزاق بر يرده اولديكمه آجيرم ، فقط هر نه اولور ايسه اولسون ، آرتق ، برانكليز چوجونى بر فرانسز چوجونى كې آتلايه ماز ديهه مزليا !] ديدى و كوزلرينى بردها آچماق اوزره قاپادى ..

ايشته بو عزم ، بوحس رقابت دركه اوملتى ، اوچوجفك منسوب اولدينى ملتى بوكون كورديككلز حاله كتيردى . نه ديمك ؟ بر فرانسز چوجونى آتلارده ، برانكليز چوجونى آتلايه ماز . بوناصيل ممكن اولور ؟

ينه اوفرانسز دييور كه : « بركون (سن مالو) ده ايدم . دكلز پك سرت ايدى . انكلتره ساحلنه حركت ايدن واپور بر خيلى ترددندن صكره حركت ايتمش و ريختمدن اوزا قلاشمش ايدى . ديركن برى كنج ديكرى اورته ياشلى ايكي انكليز كلدى . سرعت حركتدن قيب قرمزى كيسله مش ، صر تلمزدن دومان چيقيوردى . بر دئره دور اراق اسكله ده كي خلقه ، بز انكلتره يه كيده جكلز واپورى چاغريكلز ، ديه باغريدلر . بعض كيجيلر ، واپورك ريختمدن زورلقله قالدغنى وسى طويونسيله كرى يه كله ميه جكلنى سويلديلر . انكليزلر ايكيلى بردن ! فقط

ايشته بزده بويله خصائل لازم . بوخصلتلر مع التأسف بزده لان اويا تلامشدر . زيرا اويا ندير لمسنه چاليشلما مشدر . بالعكس يوقا ريده ديديكم كې ، اوخصائل هر صورتله اولدورولمكه چاليشيلمش و حالاده چاليشلمقه در . بوكې اوصاف و حسياتى ملتده اويا ندير هجق ، اوملتك شعراى ، فضلاى ، علماسى در .

ديدك ايدى كه ، بزده پك فنا بر حال ، بر حال دماغيه ، روحيه وار ! بر مشكل قارشوسنده بولندقمى ؟ اوفى اهميتدن

اسقاطه چالشیرز، و بوباده بر جوق دلائل سردایده رز. فی الحقیقه، شو صوك زماندرده بریسنه « مع التأسف مملکت مزده هیچ صنعت یوق؛ بو صنعتسز لك ایله بزم حانز نه اوله جق؟ معلومکزدرکه بر مملکت صنعتسز یشاماز. بوسنعه اهمیت ویرمه مک قورقارم، بزى اولدورمه سین، بزى مغلوب ایتمه سین» دیدیگر می؛ مخاطب لری کزدن چوغی شویله جواب ویریور: « افندم، هر مملکت هر شی یا پاماز، هر شی یتشدیره مز. بوراسی صنعت مملکتی دکدر. بوراسی زراعت مملکتیدر. بز اکر زراعت می ترقی ایتدیر ایسه، مخصوصاً تمزی خارجه صاتار و کله جک پاره نک بر قسمی ایله صنایع فیه معمولاتی آلیرز» دیور. و بوفکر کویا طوغری اولدیغی اثبات ایچون، اوروپادن مثلاً روسیه بی مثال کتیریور. روسیه ده بر زراعت مملکتیدر، اونلر اوراده بوغدا، آریه.. الخ. یتشدیریور، خارجه صاتیور. بو محصولات بیوک بر ثروت کتیردیکندن آنک بر قسمیله کندیارینک صنعت حاصل ایده مدکاری ما کنه لری وسائر هی مبیاعه ایدیورلر، دیور. حقیقه بو افاده ده پکده طوغریلق یوق دکل. فقط او قدار جوق یا کاشلق وارکه، بونک آره سنده او طوغریلق هیچ دیولما یور.

روسیه صحیحاً، پکده صنعت مملکتی دکدر. فقط، نه درجه یه قدار صنعت مملکتی دکدر؟ صحیحاً اوراده اعمالات صناعیه، آلمانیا و فرانسه ده اولدیغی قدار ترقی ایتمه مشدر. فقط روسلر ۱۹۰۰ پارس سرکیسند میری روسیه طوغریاغندن روس الی وقازمه سیله چیقارلمش، روس مهندس لرینک انشا ایتدکاری اذابه فورونلرند روس دماغیله آریدیلوب، چلیک او جا قلدنده چلیکه تحویل اولمش، بعده روس « دزاین » رسم لری و حساب لری اوزرینه اعمال اولمش بری ۸۰ و دیگرى ۶۰ طونلق ایکی قومباوند لو قوموتیف ایله مختلف ثقللره متحمل (رای) تیمور یولی تیمور لری نمونه لری شهر ایتس لرم و مظهر مکافات اولمشلر در.

بزایسه دها آناتولیده اوجنده کی چلیکی آشینمش بر قازمه و یا خود صبانه، الده حاضر چلیک اولدیغی حالده، قایناته جق اوستیه مالک دکاز. بز روسیه ایله نصل مقایسه

اولنه بیلیرز؟ صکره بزم مملکتسز صنایع مملکتی دکل، زراعت مملکتی امش! بوسویله نیرمی!.. صنعتسز ناصیل زراعت اولور؟ بر باغچه یه، ایکی آرشون مربی بر بره تازه صوغان فیده سی اکه جک اولسه ق بر قازمه ایله بر بل بر طراغه. احتیاج واردر. بونلر یوقسه طوغری قرون قبل التاریخیه ادملری کی سیوری طاشلر ایله می، یوقسه الیز ایله می قازاجقز؟ بونه غفلت! بونه قدار لاقیدی! هایدی دیه لکه بو بزم زراعت مملکتسز حبوبات یتشدرمک ایچون ایجاب ایدن صبان، اوراق، دوکن، طرمق و سائر ما کنه لری اوروپادن مبیاعه ایدم. فقط بونلر هیچ تعمیره محتاج اولمازلری؛ بونلرک بر طرفی قیرلیدی و یا خود آشیندیغی حالده اناطولی ایچریلرند بریده بونی هانکی اوسته تعمیر ایده جک؟ بز بوشیلره هیچ اهمیت ویرمه یورز. ده میرجلیک مملکت مزده ساعتجلیک قدار بیله ترقی ایده مه مشدر. چونکه ساعتجلیک فی الحقیقه قبا ده میر جلیکدن دها زیاده دماغاً چالشمغه محتاج برایش ایسه ده ده میرجلیک کی هم کیرلی بر صنعت دکل و همده زور و مشکل دکدر. آنک ایچون ساعتجلیک تعمم ایتدیکی حالده، ده میر اعمال ویا تعمیر جلیکی ایلری کیده میور. فقط مملکتده ساعت تعمیر جیلری اولماسه ایدی بوقدار ساعت قوللانیلمازدی.

ایشته اناطولی زراعنک دخی، اوروپا زراعت ما کنه لرینه رغبت ایتمه سی بوسیدندر، زیر، اوما کنه نک بر کون بریری تعمیره محتاج اوله جنی نصل محقق ایسه، اونی تعمیر ایده جک اوسته نک بولنه میه جنی ده اوله جه محققدر.

بزده ده میرجلیک ترقی ایتزایسه، حتی قومشولرمزک بیوندوروغندن قورتیله میز. اوت، همده هانکی قومشولرمزک بیلیر میسکز؟ بو کونه قدار مملکتسزک اقتصاد تلرینی آنده طومش اولان یونان قومشولرمزک.

بوندن اون درت سنه مقدم، برکون از میرده، از میرک او طار، معوج سوقاقلی چارشیمی جوارنده کزیریور و مغازه لریک، دپولرک محتویاتی سیر ایدیور ایدم. قاپینی آجیق بر دیوار داخلنده یوزلرجه یکی اصول « صبان » ک

ویرر، آرپاوررر. « اوراده دها زیاده طوره مدم قاجدم. کندی کنیدی دوشوندم، دوشوندم، اوطاندم. شمدی سز بو روم عامللره، صاتیجیلره هانکی « شیمه » بی توجیه ایدرسکز؟

بز یونانستانه میدان حربده مغلوب اولمازدن مقدم میدان اقتصادده، بازار صنایعده، دار معارفده، سطح بحر تجارتده، فابریقه دومانلری آره سنده مغلوب اولمش ایدک.

بزبوی دوتمز آدملر کبی، یالکز برطرفه باقیورز. و او طرفی کوریورز! دیگر طرفلرکه اوابادیغمز طرفدن دها زیاده حائز اهمیت در. بزه کورو نیمور، اورالرده اولوب بیتن شیلردن خبردار دکلز. بزم قسم اعظممز مغلوبیتمزی یالکز عسکرلکده کی نقصانمزه اسناد ایدیور و حالاده ایدیور. حالوکه بو کون حرب ایدن صرف عسکر دکل، فقط عسکرایله برابر صنعتدر. صنایع عسکریه در، صنایع قیه در، طور اقدن قورشون، باقیر، دهمیر، پترول چقاروب اورماندن اغاچ کسوب بونلری طویه، تفشکه، خنجره و فشنکه، سونکی یه قلب ایتمه سنی و بوسلاحی آئنده قوللانن جق عسکرک ییه جکه اتمکی ما کنه ایله یتشدیروب، حیوانانندن آله جنی یوگ، بوینوز دری و سائرهی البسه یه، قوندیره یه تحویل ایتمه سنی بیلن و بیلمین ملترک اردولری و قوتلری آره سنده هیچ برفرق یوقیدر؟ ایجه دوشونلک لازم.

اون اون ایکی سنه اول برکون انطالیه ده چارشوده دولاشیر ایکن برتیمورجی دکانی ایچنده قیریق دوکوک برخیلی یکی اصول صبان کوزیمه ایلشدی، دکان جسم بر صالاش اولوب ایچریده درینده بر قاچ کشی دمیر دوکیورلرایدی. ایجری کیردم، باقدم، دمیر جیلر (کپی) تعبیر اولنان و اکثریا عمله نك کیدیکی شایقه کیورلرایدی. برینه مرجبا دیدم. خوش کلدی، دیدی. بوسبانلری تعمیر می ایدیورسکز؟ دیدم.

دیگر برینی چاغردقن صکره، روحه، باق بو اقدی برشیلر سویلیور. بن ا کلامیورم، دیدی حریف کلدی. نه دیدی سنن؟ بن تکرار ایتدم، بو، پک تورکجه یه

یغیلی اولدیغنی کوردیم. بر دانه سنک مارقه سنی معاینه ایتدم. باقدم، غالباً صرف روحه و یا خود فرانسه جه [غولوصده « شو تسالیاده کی غلوص شهرنده » (ایکی روم اسمی) و قومپانیه سی آلات زراعیه فابریقه سی معمولاتی] یازیلی. کوزلیمه بر درلو اینانه مدم. تکرار معاینه ایتدم. او زمانه قدر چلیک و دهمیر ایشجیلکی هم بیوک سرمایه همده بیوک علمه متوقف ایدی. او مارقه یی کورنجه بنده حاصل اولان استغرابی بوراده یازدمام. دیمک که بزدن کری قالان یوق. اوراده کوردیکم بر شایقه لی رومه: بو صبانلری یونانده می یاییلیور. یوقسه اوروپادن می کتیر تیورلر؟ دیدم و جواباً، خیر افدم یونانده غولوس قصبه سنده یاییلیور، دیدی و ایچریده اصلی یوزی بجلا غالباً تنکدن، طبقی « سینکر » دیکیش ما کینه لرینک سوقاقلره آسیلان اعلانلری کبی بر اعلان کوستردی، بونک اوزرنده فابریقه نك اسمی هم روحه همده فرانسه جه یازیلی اولدیگی کبی بر چوق مختلف زراعت ما کنه لری رسملری ده وار ایدی. بو اعلان یالکز کندی باشنه بر صنعت، توتون رژیسنک اکسترا سیغاره لرینک تنکه قوطیلری یا خود دوتما کبریتلری قوطیلرینی محافظه ایچون اوزرینه کچیرلمک اوزره اون ایکی قوطی کبریت الانره بجاناً ویریلان تنکدن معمول محافظه لر کبی ایدی. بیلیم او اعلان لوحه لری ده یونانستانده می یاییلیور؛ بالاخره بو اعلانلردن بر چوغنک از میر سوقاقلرنده اصلی اولدیغنی کوردیم. بگا بو اعلانی کوسترن آدم سوزینه دوام ایده رک: «هم بو صبانلر آنا طولیده چوق سوریلیور، کویلو، بونلره اوروپا اعمالندن زیاده رغبت ایدیور؛ چونکه بونلر آنا طولی طور اخی ایچون دها آلویریشلی کلییورمش، هر آی بونلردن یوزلرجه سنی ایجری یه کوندیریورز هم بز بشقه قولایلق یاییورز، بزم هر یرده مغازه لریمز وار، بزدن آلتان صبان بوزیلورده کویلو او مغازه یه خبر ویرر ایسه، اوسته کوندیریورز، تعمیر یاییور، بو چوق قولایلق. صوگرا، کیم صابان یا خود بشقه ما کنه آلیرده پاره سنی بردن ویره مزسه قوللانور، پاره قازانیر، اوندن صوگرا ویرر. پاره سی اولمازسه بغدادی

بکزمه یں برشیلر سویلیدی ، اوده تورکجه بیلیمه یور .
چاره سز دکاندن چیقمد . اوراده لاف آکلار ظن ایتدیکم
برینه سوردم . اوت دیدی . بوسبانلری بوجوارده تعمیر
ایده جک بشقه اوسته یوقدر ، قیریلان بوزیلان صبانلری
کویلردن بورایه کتیرلر ، یاپدرلر ، دیدی .

کینلرده « اقدام » غزنه سنده بر مقاله مصادف نظرم
اولدی . اونده طشره صنایع مکتبلرینک ده میر جیلک
اوسته لغنه ، یرلی اوسته لر تعینندن و بونلرک معلوماتلری
یک ناقص اولدیغندن ده میر جیلک صنعتک قبالقندن قورتیله .
مدیغندن شکایت ایدیلوردی . چوق شکر ، دیمک که ،
قبا ، صبا هر نه ایسه طشره مکتب صنایعنده معلمک
ایده بیلجک براوسته بولنیورمیش ، اناطولیده آرتق
ده میر جیلک اهمیت اکلایلمغه باشلامش .

بزده ، حالا ، ده میر جیلکی چنکانه ایشی عد ایدملر
وار . نه تضاد ، اور ویا مکتب ابتدائی و تالیه سنده
اوقوتیلان هیچ برقرائن کتابی یوقدر که اونده مملکتک
یا اک بیوک شاعرلرندن ویا محرر و فیلسوفلرندن برینک
ده میر جیلکی تقدیس واعلا ایچون انشاد ایتدیکی بر شعر
بلیغ ، بر قصیده مدحیه ، بر الحان عالی بولماسین !

اوروپاده ، ده میر جی ، علی الخصوص کوی ده میر جیسی
دنیاده حلال اکمک ییه نلرک پیری ، سعی و همتک تمالی
و نمونه سی عد اولسون ده صکره بوراده بونک طبان طبان
ضدی اولمق اوزره طانسون . شقا دکل ، جهالت بو !
جاهل شیطانک مسخره سیدر ، دبرلر ، طوغریدر .

اوروپاده ده میر جیلک بوترون صنایعک سرافرازی عد
اولنور . چونکه ده میر ده میر جیلک قادار مدنیته ، مدنیت
مادییه خدمت ایدن هیچ بر صنعت یوقدر . اوروپاده ده میر
و کور معدنلری بولنمان مملکتلر اهالیسی ، بولنان مملکتلر
اهالیسنه حسد ایدرلر . ده میر و کور دین بحث ایدن هیچ
برانکیز کتابی یوقدر که بونخشایشدن طولانی حقه حمد
و ثنای احتوا ایتمه سون . انکلتزده کده میر علی الخصوص
کوره مبدولاً مالک اولدیغندن طولانی انکلیزلر کندیلرینی
بختیار عد ایتدکلی کی بوماده اساسیه مبرمه یی بر نتیجه
مادییه ایصاله موفق اولدقلرندن یعنی ده میری ما کنه
و آلاته قلب ایتکه مقتدر اولدقلرندن طولانی عادت افتخار

ایدرلر . فی الحقیقه ده میر اولسه ایدی و یا خود ده میر ما کنه
هیئتیه قونمغه موفق اولنه مسه ایدی ، مدنیت حاضرده نلک
عجبا حصوله کله می ممکن اوله بیلیرمی ایدی ؟ ولو که
قریستوف قولومب آمریقایی کشف ایتمش اولسون . آغا جندن
معمول یلکن کیمیلرله آنجق ایکی آیده کیدیه بیلیمک ممکن
اولان بر مملکتیه کیم کیدر ، کیم اسکان ایدر ایدی ؟ هله
آسترالیایو بحر محیط معتدل آطه لرندن بحث بیله ایدیه مز ایدی .
فقط هیئات ! بزم او مدنیتن نه نصیبیمز وار ؟ بزنه ده میر
ایشلر ، نه اندن ما کنه اعمال ایتسنه هوس ایدرز ، نه کمی
انشا ایدرز ، نه لوقو موتیف ، حتی نه قازمه نه کوره ک
یاپارز . نه ده بوکی علوم و صنایعی او کره نیرز .

شمعدیه یه قادار مملکتیمزده بر کیمسه چیقوبده ،
اناطولینک فلانجه محلده ده میر معدنی واردر . عجبا بوندن
استفاده ایتک ممکن دکیدر ، دیه بر سوال بیله صور مامشدر .
بزه دنیا نلک زینکین کمور معدنی ، اُرکلی معدنلری
احسان اولونمش . بو احسان و انعامه قارشیی ناصیل
حرکت ایتدک ! ..

فقط اکبر بز ، بتون جهان مدنیت آراسنده کندیمز
بر موقع ویرمک ایسترایسه ک ، بو بویله کیتمز . هر کس ،
هر مدنی آدم کی اودری اولنکی کیوب ، بر آئنه چکیچ ،
بر آئنه قیسق . جی آلوب تیمور جی او جاغنک آتش فشان ساحه سی
داخله م ضوع اورسک باشنه کچوب ، آلتوندن ده
بیوک بر قیمت مادیه و معنویه یی حائر اولان دمیری دوومکه
باشلامالی . بیگلرجه تورک بویله دمیر او جاقلرنده
چالشیدنی آند ، دیکر طرفندن دیکر بیگلرجه کنج
تورکر معدن محارینک خریطه لرینی ترسیم ، معدن اخراجی
ایچون قازیه جق قویولرک موقعلرینی تعیین و لازمکن
مقره و باقراج ترتیبیاتی احضار و تأسیس ایتکه چالش دقلری
زمانلرده دیکر بیگلر ایله کنجلر علماً و فنادیکر لرینک
مادوندن بولنلر ، بللرنده امنیت لامبعلری و اللرنده
قازمه لر ایله او کومور و ده میر و معدن او جاقلرینه آهنین
بر عزم ایله هجوم ایتلیدرلر . ایشته او وقت ، آنجق
او وقت ترکیا حقیقه مدنی یا شامغه کسب استحقاق ایتمش
بر ملت اولور .